



Broj:
Sarajevo, 28.12.2020. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 30-12-2020			
Organizaciona jedinica	Klasifikaciona oznaka	Redni broj	Broj priloga
01-	10-1-	2516/20	

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
n/r predsjedavajuće, gđe. Borjane Krišto

ИЗМЈЕНА ИНИЦИЈАТИВЕ

Na osnovu člana 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20), podnosim

ПОСЛАНИЧКУ ИНИЦИЈАТИВУ

Predlažem da Predstavnički dom PS BiH u skladu sa članom 29. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20) imenuje Privremenu komisiju za izradu Prijedloga Zakona o državnoj imovini Bosne i Hercegovine.

Komisiju bi sačinjavala četiri poslanika Predstavničkog doma, dva predstavnika Vijeća ministara i tri člana Venecijanske komisije ispred Bosne i Hercegovine. Komisija bi imala i tri spoljna člana koji bi djelovali kao konsultanti, bez prava glasa. Spoljni članovi Komisije bi bila tri redovna profesora Građanskog prava sa Pravnih fakulteta u Sarajevu, Banja Luci i Mostaru.

Zadatak Komisije je da u odgovarajućem roku, ne dužem od 6 mjeseci, izradi Prijedlog Zakona o državnoj imovini Bosne i Hercegovine kojim će se regulisati pravo raspolaganja, korištenja i upravljanja državnom imovinom u Bosni i Hercegovini i isti dostavi Predstavničkom domu PS BiH radi usvajanja u zakonodavnoj proceduri.

Образложење

Iz Odluke Ustavnog suda Bosne i Hercegovine broj: U 1/11 od 13. jula 2012. godine proizilazi da:

„Državna imovina“, iako je to oblik vlasništva koji je po svojoj strukturi sličan građanskopravnom privatnom vlasništvu, predstavlja poseban pravni koncept, te, iz toga razloga, uživa poseban status. Državna imovina je karakteristična po javnopravnoj prirodi odnosa subjekata i korištenja te imovine, kao i njezinoga titulara. Ona obuhvaća, s jedne strane, pokretne i nepokretne stvari koje su u rukama javne vlasti i koje joj služe radi vršenja te vlasti, s druge strane, ona može obuhvatiti «javno dobro» (morska voda i morsko dno, riječna voda i riječna korita, jezera, planine i druga prirodna bogatstva, javna saobraćajna mreža, saobraćajna infrastruktura, itd.). Ono, po svojoj prirodi, prioritarno služi svim ljudima

u državi. Kao takvo, «javno dobro» može biti izuzeto iz pravnog prometa (res extra commercium) zbog svoga značaja, jer je to jedini način da bude sačuvano i zaštićeno.

Drugim riječima, državna imovina je sredstvo provođenja javne vlasti i stoga je usko povezana s teritorijalnim i materijalnim nadležnostima organa javne vlasti, naime, s teritorijalnim integritetom i suverenitetom države“ (62. i 63.).

“Pravo države BiH da regulira pitanje državne imovine proizlazi i iz odredbe člana IV/4.e) Ustava BiH. Naime, ako se imaju u vidu svi prethodni zaključci, prvenstveno da država BiH ima pravo nastaviti da regulira državnu imovinu, odnosno da je titular državne imovine, a da odredbe člana IV/4.e) Ustava BiH propisuju nadležnost Parlamentarne skupštine u ostalim pitanja koja su potrebna za provođenje dužnosti države, a da državna imovina reflektira državnost, suverenitet i teritorijalni integritet BiH, nedvojbeno je da navedena odredba daje ovlaštenja državi BiH odnosno Parlamentarnoj skupštini da regulira pitanje državne imovine. Prema tome, ovdje se radi o isključivoj nadležnosti BiH koja proizlazi iz čl. I/1, III/3.b) i IV/4.e) Ustava BiH“ (80.).

„Stoga, postoji istinska nužnost, a i pozitivna obaveza, da BiH ovo pitanje riješi što je prije moguće“ (84.).

Navođenjem stavova Ustavnog suda Bosne i Hercegovine iznesenih u Odluci broj: U 1/11 potvrđuje se postojanje pozitivne obaveze države Bosne i Hercegovine da Zakonom koji će donijeti Parlamentarna skupština BiH uredi pitanje raspolaganja, korištenja i upravljanja državnom imovinom Bosne i Hercegovine.

S poštovanjem,

Alma Čolo

